

三才廣志

廣志卷之一千五十八

兵

雜兵器

易萃之象曰君子以除戎器械不虞除者治也  
人既聚會不可不防故於北時修治戎器以備  
戒不虞

舜于戚

書武于羽于兩階七旬有苗格

淮南子奔俗訓有苗不服舜修政偃兵執干

戚而舞

則堂位疏赤盾而玉飾斧

史記黃帝習用干戈征不享

書說命惟干戈省厥躬

牧誓稱戈比干

詩公劉干戈戚揚

時邁載戰干戈

易說卦離為戈兵

湯鉞

史記殷記湯自把鉞以伐昆吾遂伐桀

司馬法殷執白成

周武王天鉞黃鉞

牧誓武王左執黃鉞右秉白旄以麾注鉞以

黃金飾斧

後漢注志引說文周執黃鉞

太公六韜武王軍中有大柯斧刃廣八寸重

八斤名為天鉞

牧誓王義引之即今之大鉞也

司馬法曰夏執玄戌殷執白戌周左執黃戌

右秉白旄

說文云旄俗作旄是也  
志注司馬法曰股執白旄云云

呂氏春秋武王左釋白羽右釋黃鉞勉而自

為條

輿服志鉞黃帝所造湯伐昆吾躬把大鉞武

王入商周公把大鉞畢公把小鉞

六典注石氏星經曰天鉞一星在井旁

周五兵五盾七其

夏官司兵

中士曰人

掌五兵五盾辨其物與

其等以待軍事

司馬法云凡五兵者屬焉  
軍事建車

之五兵會同亦如之注五盾干櫓之屬盾有

大小其名未盡聞

鄭司農云五兵戈正義昔  
是戟首矛夷矛

釋曰有朱干中干及魯聞其三者其二耒未

聞注車之五兵司農所云是也

司農云步卒  
五兵則無夷

矛而有

司戈盾下士二人掌戈盾之物而頒之祭祀

授張賁足故士戈盾族以賁氏執戈盾齊授

舞者兵亦如之軍旅分同授二車戈盾建乘

之車戈盾授旅賁及虎士戈盾及舍設藩盾

行則飲之戈司戰助凡五兵法曰弓矢圖是以矛

長注藩盾可以藩衛者如今扶蘇

月令季扶習五戎注弓矢足矛戈戟

穀梁傳五兵注矛戟鉞楯弓矢

詩正義干戈皆盾別名

書正義鄭玄云惠狀蓋斜刃宜笈刈戈即今

之勾子戟刈蓋今鉞斧鉞大斧戟瞿蓋今三

鋒矛銳矛屬此凡七兵或施矜或著柄周禮

戈長六尺六寸其餘夫聞長是數

周首矛 夷矛 車戟

考工記庖人為庖器謂矛戟柄竹橫秘也注戈

秘柄也秦多細木善作矜秘六尺有六寸足長尋有四

尺車戟常首矛有四尺夷矛三尋首夷長短名酋道也

近酋長凡兵無過三其身攻國之兵欲短守國

之兵欲長

大戴禮武王為矛銘

左傳使鉞御持矛衛太子為石備持矛用有

用矛於齊師

周建橐

樂記武王克商散馬牛車甲衅而藏之府庫而弗復用倒載干戈包之以虎皮將帥之士

使為諸侯名之曰日建橐然後天下知武王之不復用兵也注建讀為鍵兵甲之衣曰橐鍵橐言閉藏兵甲也詩曰戴橐弓矢春秋傳曰垂橐而入

詩小戎虎韞疏云弓有虎皮之韞

漢張良傳偃革為軒

馬融傳命師於建橐偃伯於靈臺

止戈為武

周黃戚又見彤弓

周書世俘云箒人造王秉黃戚正圉伯克殷

云周公把大鉞原公把小鉞以夾王

典引秉其命賜彤弧黃戚之威

周兵器

天官玉府掌玉玩好兵器

內府掌良兵良器待邦之大用

地官小司徒大比攷兵器

卿師四時之田簡兵器

縣師脩兵器

詩宣王脩兵器

楚為掩敖甲兵

齊杜莧軍實

周軍實凡要

夏官大司馬中夏教茭舍群吏撰車徒讀書契注讀書契以簿書要錄軍實之凡要疏謂兵士簿書之要契小宰入成云師田以簡稽一也凡軍有三種或以俘因為軍實或以戎



盾方矢為軍實或以擒牲為軍實此拋兵器  
凡要即名籍之總名

掌國設其飾器注兵甲之屬今城郭門之器  
亦然疏漢時城郭門守器所飾亦若今城郭  
門榜所執矛戟皆有櫛飾之等是

魯越棘

見矛矢類

秦龍盾

詩小戎美襄公也備兵甲以討西戎國人矜

其車甲小戎伐收五檠梁輈游環賣槩陰引

塗續文茵暢轂駕我騏驎龍盾之合注畫龍

云以木塗以艘輈伐駟孔群公矛塗鏐公三

為之以也以白金為蒙代有苑伐中干畫虎報鏐盾

交韞二弓竹閉昆騰虎也交韞交二弓於

中

無衣逆子與師脩我戈矛

漢五兵

官表羽林孤兒教以五兵注師古曰矛矢

矛戈戟

吾丘壽王傳對曰古者作五兵非以相害以

禁暴討邪也安者則以制猛歟而備非常有

事則以設守衛而施行陣注師古曰五兵矛

戟矛劍戈

漢高紀注師古曰衛教者止言語謹重歆令

敵人不知其來也

周官有銜枚民故枚如著橫銜之繯繫於項

漢刀斗

李廣傳廣不擊刀斗自衛程不識擊刀斗注

孟康

取時人

日以銅作雖受一斗晝炊飯食夜

擊持行夜今左榮陽庫中蘇林曰形如銷魚

緣師古曰銷即銚也

西域傳杜欽論達夜屬賓曰斥侯士三百人

五分夜擊刀斗自守二十一斗

漢舊儀曰晝漏盡夜漏起宮中衛宮城門擊

刀斗周庠擊木折

顏延年論為金折

漢名臣奏曰

丞相奏

漢興已未澤考古義宮

殿省聞至五六里周衛擊刀斗一

纂文曰刀斗持時鈴也十

傳古圖有漢熊足熊斗

梁山銷

龍首熊斗

斗之可以  
溫物者

詩酌以大斗

冰斗

宋何承天識威斗

漢渠答

晁錯傳上言兵事曰中國之長技五復古守  
邊備塞曰選常居者家室田作且以備之以  
便為之高城深塹具蘭石布渠答注服虔曰  
蘭石可投人石也蘇林曰渠答鉄蒺藜也如  
淳曰蘭石城上雷石也墨子曰城上二步一  
渠立程長三尺冠長十尺臂長六尺二步一  
答答廣九尺豪十二尺

漢大將軍鉞 黃鉞

終軍傳上對曰大將軍秉鉞軍于奔幕

後傳光武賜侯霸書曰黃鉞一下以黃金飾

橋玄傳四府奉為度遼將軍假黃鉞

東京賦載金鉞而建黃鉞注蔡邕獨斷曰秉

興後有金鉞黃鉞

蔡邕有黃鉞銘

蜀建興三年春諸葛亮南征賜金鉞一具

見亮集

魏辛毗杖黃鉞當庫門立

晉安平王倂王導為大司馬皆假黃鉞

謝安太保加進黃鉞

漢武庫兵器

毋將隆傳秦武庫兵器天子公用國家武備  
繕治造作皆度大司農錢

西京賦武庫禁兵設在蘭錡

燕王旦傳曰明詔領庫兵飭武備

平紀什器儲待注師古曰軍法五人馬伍二  
伍為什共其器物故通謂生生之具為什器  
亦猶今之從軍及作役者十人為火共畜調  
度也

嚴安傳鍛甲麾劒矯箭控弦

韓延壽傳被甲鞬鞞

尹賞傳被鎧扞扞臂承

魏銀鞍

曹植上銀鞍表曰武帝代效此銀鞍一具初

不敢乘謹奉上

魏百官名曰紫茸題頭高橋鞍一具

西京雜記武帝時身毒國獻白氍毹鞍

後漢李充鞍銘又轡銘曰轡銜在手急緩必

將賞罰在心中和是思又有馬箠銘

魏文帝馬腦勒賦

傳玄馬射賦百馬齊興六驥孔閑金銜王霸

文防鏤鞍明珂景服華轡朱鮮

宋劉義恭有謝金梁鞍啓

### 晉金華楯

陶公故事臣侃奉獻金華大羗楯五十幡青

綾金華楯五十幡

揚泉物理論古有阮師之力蘇家之獻皆爲

良工利器

元魏以馬頭指破蠕蠕

宋銀幣

宋礼志皇太子

夜諸門墨令銀字幣傳令

唐兵器名數

官志衛尉卿總武庫武器署兵器入者皆籍

其名數

詳見武庫

丞辨器械出納之數武庫署藏

兵械武器者掌外戎器庫部掌戎器元日冬

至陳設祠祀辨其名數而供焉凡戎器色別

而異處掌武庫器仗

六典武庫名數軍鼓三金四弓四弩七箭四

刀四槍四甲十三鼓排六旗三十二袍五器

用八



元和九年三月乙亥賜振武軍弓甲八月丙子以戎械賜宥州十年十二月以軍器給徐州

### 唐金鉞

會要天宝元年正月一日敕黃鉞古以金鉞應五行之數宜改為金鉞威武之義也

### 開寶弓弩院

太祖初即位以魏丕為作坊副使

八年乃遷正使魏丕

脩創戎器無不精勵

開寶九年三月己巳領

代州刺之仍與其職兵器十日一進課之旬

課上親閱之列五庫以貯焉九月分作坊為

南北歲造甲鎧具裝鎗劒刀鋸器械及床子

弩等凡三萬二千

舊床子弩每止十百步日增至千步

是歲

又置弓弩院舊在太平坊歲造弓弩箭鏃等

凡千六百五十餘萬又有南北造箭二庫在

國坊景德二年三月十八日幸軍器內弓箭

庫

咸平六年合為造箭院隸弓弩院天禧四年

四月詔南作坊之西偏為弓弩造箭院諸州

有作院歲造弓弩箭劔甲冑箭鏃等凡六百

二十餘萬又別造諸兵幕甲袋紕鼓銅鈹鏐

斧等謂之什器凡諸器械列五庫以貯之戎

具精勁近古未有

景德四年十月以歲造之器可支三十年還

泰輪閱武庫所聚權罷繕治舊制軍器領於

聖四年十一月乙丑以武庫山

精詔城諸州歲造兵器之半

熙寧六年六月二十七日始置監七月甲寅置內弓箭內庫又有軍器所

元豐八年十月己卯罷製軍器

廣西吳彥方製利器械四以式來上則至和三年之三月戎監定中外所獻槍刀及弓矢以新造兵器付諸路作院為式遣官分諭則熙寧七年之正月十三日編修九軍兵仗以河東經畧同提舉元豐元年十一月十五日也命編修軍器法制所以什物精緻者修為法式尹汴造插鞘弓及閭宇慤所定摹則詳密不復用舊法五年八月二十四日也渭州置平戎器甲寅政和五年十二月也輟禁宇以繕武庫灑宸翰而製庫名七年二月也請

置庫器提舉 四員而詔屬之諸路提刑建  
炎三年三月三日也以御甲一副頭年等其  
五件命軍器所依式製之乾道六年閏五月  
二日也

建炎三年八月一日詔諸州歲課上供軍器  
並輸於內軍器四庫

紹興五年三月戊午軍器所始隸工部後復  
以中人典領三十年七月庚子詔工部依條  
檢察

慶曆神楯

見龍虎八陣圖

左得狄龐弥建大車之輪蒙之以甲以為櫓  
櫓是大盾

漢李尤楯銘曰吳旂魯敎

方言曰自閩而東或謂敎或謂干閩西謂之楯

元豐兵器圖

元豐二年內侍押班王中正受詔閱在京馬步軍中正悉以製弓弩兵器及馬步射擊刺施用法止之既試咸可用遂圖其像步射勢弓發矢連手牽足移步及馬射馬上使蕃槍馬上野戰格鬪步用標排皆有法凡數千言九月壬辰請頒于諸軍使誦習之

天聖六年九月乙巳遣使修諸路器械詔器甲久不繕治遣使闔視

郭諮以所作刻漏圓楯獨轅弩生皮甲素上

帝領嘉其簡要

慶曆二年詔廊延環慶涇原秦鳳路各置都作院五年詔諸路所儲兵械悉報三司三司歲具須知以聞乃約為程式頒之五年十一月甲午詔諸路進甲仗須知一本命三司簡為程式敎之七年七月十八日賈昌請朝遣官詣北京兵器毋輒改法式

嘉祐四年七月庚申詔軍師所製軍器多不犀利其選朝臣武臣各一員揀試之

天聖四年詔作坊造雜槍

景祐四年造栓子槍孤槍

康定元年四月詔江南淮南造紙甲三萬給

陝西

皇祐五年荆南鈐轄王遂上臨陣槍

淳熙軍器渠樣

淳熙六年六月二十七日吏部侍郎閻蒼舒言蜀書最多皆邊防利害修城制度軍器法式專司法令瀘州有軍器渠模一書最詳備請下秘書錄書目送制置司參對四州官書目抄寫送省從之

勒箭

筆談曰大駕鹵簿中有勒箭如古之契勒也其牡謂之雄牡箭牝謂之闕伏箭本胡法也熙寧中罷之

爆稍

宋朝會要曰爆繫聲也一云象爆牛善聞字

從爆唐金吾將軍執之今制如節如碧油

鉞

史記趙良謂衛鞅曰君之出也操闔戟者旁  
居而趨續漢書輿服志曰漢大駕前驅有鳳  
凰闔戟鉞闔字同然則疑秦制也

儀鉞

宋朝會要曰鉞屬也秦漢有之唐用為儀仗  
古今註曰秦改鉄鉞作錦秦製也

抹額

二儀寶錄禹娶塗山之夕大風雷電中有甲  
卒千人其不被甲者以紅綃帕抹其頭額云  
海神來朝禹聞之對曰此武士之首服也秦  
始皇至海上有神朝皆扶額排衫大口袴



侍衛自此抹額遂為軍容之服

馬鞮

梁簡文帝馬鞮譜序為用雖非遠法近代相傳稍以成藝按曹操父子橫鞮賦詩于鞍遠之間則馬鞮之事已見于此矣豈其事之所起乎

箭筒

又曰箭筒自有虞氏始也周礼有矢箙

鳴鏑

前漢匈奴傳曰冒頓作鳴鏑應劭曰號箭也遂以射殺頭曼卑于者

鉄蒺藜

事始云鉄蒺藜菱角等起于隋煬帝征遼東

置之要路水中以刺人馬非也按諸葛亮與  
司馬懿相待于武功五丈原亮卒懿追之亮  
長史楊儀多布鉄蒺藜則三國之際已有其  
物非自隋煬帝始也漢文帝時晁錯言守造  
議云具蘭石布渠荅注云渠荅鉄蒺藜也此  
又漢初事爾雖然非三代仁義之守也

### 傍排

實錄曰傍排自牟夷始也或曰傍排近世兵  
杖中有鏢牌蓋出溪洞之蠻熙寧中王師征  
交趾其法乃盛傳于中國至神宗設于行陣  
今諸軍習之也宋朝會要曰太宗聞南方以  
鏢槍傍牌為兵令省延皓取廣德軍習之中  
士之用鏢牌此其始也

弓袋

實錄曰器仗皆自有虞氏始韞鹿施弓袋通謂之三仗蓋大將備儀也左傳曰左索鞅右鞭弭是也礼樂記曰武王克商倒載干戈包之以虎皮名之曰建索王建讀為健兵甲之衣曰橐

雲梯

墨子曰公輸般為雲梯之械左傳曰楚子使解揚登樓車文王之雅曰臨衝閑上注云臨車即左氏所謂樓車也蓋雲梯矣當是三代之制而公輸加機巧爾續事始于魯人公輸般造以攻宋城可以凌空立之太白陰經謂之飛梯

烽燧

玄文戰經曰諸見奉烽火傳言虞虜具起黃  
帝出軍決亦有望見烽火之文周幽王為褒  
姒奉烽燧疑亦有初用兵即有之也

戲

兵也

魁他理切橫首杖也

鉄

矢鉄

蒗石內上未城上雷正也

提

扶也

鍠兵器

兵木

漢書云兵器如木而無刃也

械

攻守之器

白挺

陣勝奮其白挺

縵

徵周礼大司馬衝枚曰縵結也

金吾

捧名古田金吾一曰金吾鳥名也以辟不祥  
天子出打獵主先導故執此鳥以之象前行  
因以名官

鑿

德節

千

錐也

戊

禹月

以黃金飾斧

銅

音越

王

兵器

朱亥鉄椎

一百二十斤乃今之六十斤

鉄鞭

尉遲敬德所用佐竇建德手執鉄鞭重八十  
斤後佐唐太宗

鉄槩

李克用鉄槩重一百二十斤所向無敵

骨孕子木胎胎音孤都閏

廣志卷之一千五十九

兵

水戰

周蒼兕舟楫

史記齊世家武帝九年東伐以觀諸侯集否  
師行師尚父左杖黃鉞右把白旄以誓曰蒼  
兕舟楫搃尔衆庶與爾舟楫遂至盟津諸侯  
不期而會者八百索隱本或作蒼雉案馬融  
曰蒼兕案舟楫官名  
論衡蒼兕水戰死頭令誓衆令急濟故言蒼  
兕以惧之

邢子才文蒼雉奉職多譌自梁

晉令水戰有飛雲舩蒼雉舩先登舩飛鳥舩

晉舟虞

魯語諸侯伐秦及滎莫濟晉叔何居舟虞典  
司馬白夫苦匏不材於人共濟而已魯叔孫  
賦匏有苦業必將涉矣興舟除隧不共有法  
是行也魯人以莒之先濟諸侯從之注舟虞  
掌舟司馬掌兵舟虞具舟司馬除道

楚舟師

左傳襄二十四年楚子為舟師以伐吳不為

軍政無功而還

注舟師水軍

昭十七年吳伐楚戰

于長岸大敗吳師獲其乘舟餘皇舟名十九

年楚子為舟師以伐濮二十四年楚子為舟

師以畧吳強二十七年與吳師遇于窮令尹

子常以舟師及沙汭而還定二年楚囊瓦伐

吳師吳人見舟于豫章敗之四年蔡吳唐伐  
楚舍舟于淮汭自豫章興楚夾漢左司馬成  
謂子常日子泓濫而興之上下我悉方城外  
以毀其舟六年吳太子終累敗楚舟師哀十  
年吳徐承舟師師將自海入齊齊人敗之  
吳乘舟餘皇

左傳昭十七年吳伐楚戰于長岸子魚先死  
楚師繼之大敗吳師獲其乘舟餘皇吳子光  
請於衆曰喪先王之乘舟豈惟先之罪衆亦  
有焉請籍取以救死衆許之使長鬣者三人  
潛伏於舟側曰我乎餘皇則對師夜從之三  
呼皆迭對楚人從而殺之楚師亂吳人取餘  
皇以歸



史記公子光伐楚敗而亡舟光惧襲楚復得  
王舟而還注舟名餘皇

吳語將舟戰於江

漢馬融傳方餘皇連舳舟張雲仇施蜺情

吳越春秋越使范蠡入吳因徒其大舟注餘  
皇舟也

蜀王本紀秦為大白船夏艘欲以攻楚注大  
白船名

越習流

史記勾踐發習流二千伐吳

吳越春秋同

左傳哀十七年越伐吳吳禦之笠澤夾水而  
陳越子潛以三軍潛涉當吳中軍而之吳

師大亂

越絕書越為大翼小翼中翼為舡軍戰

漢樓舡

刑法志外有樓舡按漢官儀云高祖命天

下選能引閤蹶張材力武猛者以為輕車騎

士材官樓船常以秋後講肄各有圖地平數

用輕車山阻用樓官水泉用樓舡

列傳枚乘說吳王曰漢遣羽林黃頭循江而

下注羽林黃頭即習水戰者也

鄧通以濯舡為黃頭即注濯舡能持濯行舡

也土勝水其色黃故刺舡之即皆若黃帽因

號黃頭即

伍被傳吳王伐江陵之木以為舡為淮南王

畫計日有潯陽之船

嚴助傳閩越王入燔潯陽接舡注漢有接船  
貯在尋陽也建元三年助浮海救東甌武帝  
欲伐南越淮南王安諫曰前時海南王反擊  
之會天暑多雨接舡卒水居擊擢未戰而習  
死者過半

朱買臣為會稽太守詔到郡治接舡備糧食  
水戰具

朝鮮元封二年遣接舡將軍楊僕從齊浮齊  
浮濟浮渤海擊朝鮮

卜式上書請父子與齊習舡者徃死南越  
本紀武元鼎五年南越呂加反遣伏波將軍  
路博德出桂陽下湟水接船將軍楊僕出豫

章下真水歸義越侯嚴為戈舡將軍出零陵  
下離水甲為下瀨將軍下蒼梧告將舡十萬  
人元鼎六年東越王反遣樓舡將軍楊僕出  
豫章擊之注伍子胥書有戈以載干戈因謂  
之戈舡又伍子胥有下瀨舡

食貨志粵欲興漢用舡戰遂迴大修昆明池  
列館環之治樓舡高下餘丈旗幟加其上甚  
壯元鼎五年南越反因南方樓舡士二十餘  
萬人擊之

地理志廬江郡有樓船官

漢戈船

武紀元鼎五年夏四月南粵呂嘉反秋遣歸  
義越侯嚴為戈舡將軍出零陵下離水注師

古曰舡下安戈戟以禦蛟鼉之害也

史記南越傳戈船下厲將軍

厲一作瀨

吳都賦戈舡掩於江湖

地理志群柯係舡找也楚王伐夜郎找舡於岸乃改其名為群柯

韓信擊魏王豹益為疑兵陳船欲渡臨晉伏兵從夏陽以木罌渡軍襲安邑

漢船司空 輯濯令

地理志景北尹舡司空注本注舡之官遂以

名縣芥曰舡利

百官表水衡有輯濯令丞注如淳曰舡官也

劉屈氂傳戾太子矯制發輕濯士注輯及濯行舡者短曰輯長者濯與楫櫓同

元后傳張周惟輯濯越歌

漢昆明池習水戰

紀元狩三年秋發謫吏穿昆明池注臣瓚曰  
西南夷傳有越雋昆明國有滇池方三百里  
漢使求身毒國而為昆明所閉今歆伐之故  
作昆明池象之以習水戰

食貨志武帝時粵歆與漢用船戰遂乃大修  
昆明池列館環之治樓舡高十餘丈旗幟加  
其上甚壯

西京雜記武帝作昆明池歆伐昆明夷教習  
水戰

黃圖昆明池有百艘接舡上建接檣舡客  
數十上建戈矛四角悉垂幡葆麾蓋

曹毗志經接舡高建接櫓戈舡上建戈矛又  
作二石人東西相對象牽牛織女

郡縣志昆明池在京兆府長安縣西十八里  
武帝穿此池象滇池作戈舡接舡數百艘於  
其中

### 漢接舡露橈

岑彭傳建武九年公孫述遣其將數萬人乘

枋單下江關

枋單以木竹為之浮於水上稱  
雅曰枋附也郭景純曰水中撐

也擊破馮駿等遂拔夷道夷陵橫江水起浮

橋聞舡立攢柱絕水道以拒漢兵彭策直進

接舡冒突露橈數千艘並舡名棹舡之上施

接橈小槳也爾雅曰橈謂之橈路橈謂路橫

在外人在舡中

十一年春彭與吳漢發桂陽

零陵長沙委輸棹卒凡六萬餘人行棹卒持棹也

騎士五千匹會荆門吳漢以三郡棹卒多費

糧穀欲罷之彭上書言狀帝報曰大司馬不

曉水戰荆門之事一由正南公彭乃令軍中

募攻浮橋舡逆流而上直衝浮橋飛炬焚攢

柱順風並進所向無前

### 魏舟師

三国志通鑑漢建安十三年曹操還薊作玄

武也以肄舟師黃初六年帝以舟師復征吳

帝以舟師自譙循渚入淮蒞濟表言水道難

通帝不從時天寒水舟不得入戰船數千皆

濟不得行濟鑿地為四五道蹠舡令衆豫作

土豚遏斷湖水



通典後漢魏武船戰令

魏水軍

三國志通鑑建安十三年諸葛亮曰聞羽水軍精甲萬人且北方之人不習水戰曹公遣孫權書曰令治水軍八十萬方與將軍會獵於吳十四年曹公引水軍自渦入淮出肥水軍合肥開芍陂屯曰

黃初二年帝為水軍親御龍舟循蔡穎浮淮如壽春至廣陵吳為疑城假接又大浮舟繼于江帝曰魏雖武騎無所用之

吳蒙衝閫艦

吳志曹公遺書曰今治水軍與將軍會獵於吳張昭等曰操得荊州水軍蒙衝閫艦浮以

沿江長江之險已與我共之矣周瑜曰操舍  
鞍馬杖舄揖遠涉江湖之間不習水土禽操  
宜在今日瑜與劉備進與曹公遇於赤壁瑜  
部將黃蓋取蒙得 艦十艘載燥荻枯柴灌  
油其中裹以惟幙上建旌旗豫備走船繫於  
其尾時東南風急蓋以十艘寂著前中江奉  
航餘舡以攻俱進士北軍二里餘同時發火  
火烈風猛舡往如箭燒尽北舡延及岸上營  
落烟焰張天瑜等率輕銳繼其後雷鼓大進  
曹公軍敗退

孫權擊黃祖祖橫兩蒙衝執守汜口大紀擊  
斫千弩交射軍不得前董襲凌統各將敢死  
百人人被兩鎧乘大舡突入衝蒙襲以乃斷

繼大兵遂通

將軍賀齊惟奢所乘舡雕刻丹鏤青蓋絳檐  
滕腫聞繼望之若山

釋名上下重版曰舡四方施版以外狹而長

曰滕衝敵以衝突

吳志曹公出濡須孫權使董襲督五接舡注  
濡須口

吳飛雲蓋海

周瑜傳孫權乘飛雲大舡

吳都賦弘舡連舡巨櫓接艦飛雲蓋海制

常模注銑曰飛雲舡上接名甚高者蓋海言

多也劉曰飛雲蓋海吳接舡之有名者

江表傳孫權乘飛雲大舡與張昭魯肅等共

追送叙別

晉水軍

羊祜傳帝與祜謀伐吳祜以伐吳必藉上流之勢又時吳有童謠曰阿童復阿童銜刀浮渡江不畏岸上獸但是水中龍祜聞之曰此必水軍有功但當思應其名者耳會州王濬為大司農祜知其可用濬又小字阿童因加龍驤將軍密令修舟楫為順流之計祜上疏曰吳俗急遠不能持久弓弩指不如中國唯有水戰是其所便一入其境則畏江非復所固

杜預傳大康元年正月陳兵于江陵遣奇兵八百汎舟夜渡以襲樂鄉多張旗幟起火已

山吳都督孫歆俱與江陵督伍延書曰北來  
諸軍乃飛渡江也

### 晉速魴

王濬傳武帝謀伐吳詔濬脩舟艦乃大作舡  
連舡方百二十步受二千餘人以水為城起  
樓櫓開四出門上皆得馳馬來往又畫鷁首  
恆獸於舡首以惧江神舟楫之盛自古未有  
濬造舡於蜀其木梯蔽江而下吳彥取梯呈  
孫皓曰宜增建平兵皓不從彥乃為鉄鎖橫  
截江險又作鉄推暗置江中濬知狀乃作大  
筏數十亦方百餘步縛草為人令善水者以  
筏先行筏遇鉄推輒著筏去又作火炬長十  
餘丈大數十圓灌以麻油在舡前遇鎖然炬

燒斷寇衆鄉獲水軍督陸景於是順流鼓棹  
徑造三山皓遣張蒙率舟軍禦濟蒙望旗而  
降

孫楚傳達孫皓書曰國家整器械興造舟楫  
簡習水戰樓船萬艘千里相望剡木以表舟  
車之用未有如今日也

### 晉指南舟

宋志晉代又有指南舟

### 晉蒙衝小艦

陶侃禦陳敏寇用運船為戰艦

梁裴邃征邵陽州密作沒突艦破之

梁王僧辨討侯景賊望官軍有雙龍扶艦

梁王琳每戰勝艦則有聲如野豬其戰艦十

數以野豬為名

柳文安南都護誌六連長穀海合鰲艦

晉水軍

通鑑劉裕為晉太尉義熙十二年城嚴伐秦  
沈林子劉遵考將水軍出石門自渡河王仲  
德水軍入河將通魏滑臺十三年裕引水軍  
發彭城自淮泗入清河將沂河面上先遣使  
假道於魏亡兵十萬屯河北津裕乃引軍入  
河裕至潼關王鎮惡帥水軍自河入渭以趨  
長安秦至泓使姚丕守渭橋以拒之鎮惡泝  
渭而上乘蒙衝小艦行舡者皆在艦內秦入  
但見艦進驚以為神至渭橋鎮惡令軍士食  
畢持伏登岸即密使人解於舟艦渭水迅急

倏急不見衆騰踊爭進大破姚丕軍

宋桓護之以百舸為前鋒拋石濟魏人以所  
護之連以鉄鏃三重斷河以絕河水迅急護  
之中流而下每至鉄鎖以長柯斧斷之唯失  
一舸餘皆完備而返

梁常肅拒魏軍肅裝大艦使馮道根為水軍  
閫艦臨魏壘以小舡載草灌膏焚其橋

侯景使侯子鑒為水戰之脩以鵠塢千艘載  
戰士王僧辨麾細舡令退留大艦夾泊兩岸  
子鑒趨之大艦斷其歸合路戰江中景兵大  
敗

梁王琳引合肥巢湖之衆舳舻相次而下陳  
侯瑱



率軍進屯攬洲明日合戰林軍少却及夕東北

風次其舟艦並壞夜中有流星墜于賊營及旦風靜

琳入浦以鹿角統岸不敢復出特西魏將史寧驛

其上流瑱聞之知琳不能持久收軍却拋湖浦以

待其斃及史寧至圍郢州琳恐衆潰乃率舡未

下去蕪湖十里而泊明日齊人遣兵助琳瑱令軍士晨炊蓐食頓蕪湖尾以待之將戰有微風至自東南衆軍施拍縱火定州刺史章

昭遠采平虜大艦中江而琳軍大敗脫走以  
免者十二三

歐陽紇挺嶺南反陳將軍昭達討之紇乃出  
潁涯口聚沙石盛以竹籠置水柵外用過舡  
艦昭達居其上流裝艦造拍以臨賊柵又令  
軍人銜刀潛行水中斫竹籠上茂皆解因縱  
大艦随流突之賊衆大敗

### 隋五牙大艦

楊素傳進取陳之計居永安造大艦名曰五  
牙上趨樓五層高百餘尺左右箭後置六拍  
竿並高五十尺容戰士八百人旗幟皆於上  
次日黃龍置五百人自餘平乘舳舻等各  
有差素引舟師下三峽陳以青龍百餘艘守狼

尾灘素夜帥黃龍數十艘銜枚而下遂師水  
軍東下舟艦被江旌甲曜日陳江中無一闕  
舡呂忠肅拋巫峽鑿岩綴鑠橫截上流以遏  
隋舡擊之四十餘戰隋兵死者五十發人既  
而隋師捷忠肅奔柵復拋荆門延洲素造五  
牙四艘以拍竿抨其艦遂大破之

唐昆明池習水戰

紀武德九年三月庚寅幸昆明池習水戰壬  
辰至自昆明池

唐戰艦 浮海大航

河間王孝恭傳及李靖擊肖銑帥戰艦二千  
餘艦東下大破銑軍乘勝直抵江陵入其外  
郭又攻水城拔之大獲舟艦靖命盡散之江

中諸將皆曰破敵所獲當籍其用柰何弃之  
靖曰蕭銑之地南出嶺表東距洞庭吾懸車  
深入若攻城而下援兵見之必謂江陵已破  
未敢輕進往來窺伺動踰旬月吾取之必矣  
援兵見舟艦果疑不進靖進圍之銑内外  
阻絕乃降

曹王皐傳教戰艦挾二輪蹈之鼓水疾進駛  
陣馬

閻立本傳太宗時為匠師洪州造浮舡大航  
唐樓艦

韓滉傳為鎮海節度使造接舡三千拖以舟  
師由海門大閱至中浦乃還

錢鏐伐吳錢傳確帥戰艦五百艘皆載灰豆

及沙戰于狼山江傳瑤使順風揚灰吳人不能開目又散沙於己舡散豆於吳舡豆為戰血所漬吳人踐之皆僵仆因縱火焚吳舡後梁賀環以竹竿懸鰲十餘艘蒙以牛革設睥睨戰格橫於河渚

宋建隆造舡務習水戰

建隆二年正月壬辰幸造舡務觀習水戰三年丙戌又幸

乾德元年正月觀造戰舡

建德元年上使諸軍習戰艦於迎奎唐主惧甚

乾德講武池習水戰 水虎捷

實錄建隆四年即乾德四月庚寅內出緡錢

募諸軍子弟數千人鑿池於朱明門外令右神武上將軍陳承昭護其役將習水戰也

乾德元年四月鑿池於朱明門外引蔡水注之造接舡百艘選卒號水虎捷習戰池中長編

一云建隆四年鑿大池於京城之南在玉津園東抵宣化門外引蔡水注之其年六月既成名教舡池造接舡百艘選精卒號水虎捷習戰池中

開寶講武池

開寶六年三月壬午詔以教船池為武講池七年將有事於江南是歲凡五臨幸觀習水戰

開室三年冬十月幸造船務命木工篤雜脩  
棧船以習水戰

乾德元年二月慕容延釗遣戰棹都監武懷

節等外兵趣岳州大破賊軍於三江口獲舡

七百餘艘解輝傳為統軍使黃從志以岳州

使往岳州延潭中禁旅教千習戰於新池上

教臨觀幸新池觀習水戰

二年十二月劉光義等入峽路生擒戰棹指

揮使奪戰艦二百餘艘斬獲水軍六千餘初

蜀於夔州鑠江為浮梁上設敵棚三重夾江

列礮其上出地圖指其處謂光義曰泝江至

此切勿以舟師爭勝當先遣步騎潛擊之俟

其稍却乃以戰棹夾攻可必取也

五年上韋幸武講池臨流觀水戰顧謂左右  
曰人皆言志身為國然死者人所難言之易  
耳李進卿前對曰如臣者令死即死耳遂躍  
入池中上急令水工救之

開室二年五月契丹兵分道入寇韓重贊陣  
于嘉山以待之戊子幸城東命水軍乘小舟  
載纒弩進攻其城

是月己酉城南命水軍乘輕舟焚北漢主  
門

七年閏十月己酉曹彬等入池州先是上遣  
入作使敕守將率工匠自荆南以大艦載  
竹絙并下所州所造黃黑龍舡於采石磯跨  
江為浮梁或謂江闊水深古未有浮梁而濟



者乃先試於石牌口既成丁巳曹彬等及江南兵戰於銅陵敗之獲戰艦二百餘人

太平興國金明池習水戰

太平興國元年詔以率三萬五千人鑿池以引金河水注之有水心五殿南有飛梁引數百步屬瓊林苑每歲三月初命神衛虎翼水軍教舟楫習水僖西有教場亭殿亦或臨幸閱砲石杜弼雍熙元年四月幸金明池觀習水戰上禦水心殿以觀戰艦角勝鼓譟以進往來馳突必為回旋擊刺之狀顧侍臣曰兵棹南方之事也今既平定固不復用但時習之不忘武功耳

紀太平興國二年二月乙巳幸新鑿池賜穿

池卒人千錢布一端三年二月始鑿金明池  
七年十月戊辰幸金明御龍舟觀習水戰  
又雍熙二年四月丙申幸四年四月丁未幸  
觀水嬉因習射又九月丙寅因登水心殿射  
淳化元年三月乙卯幸御水心殿觀水嬉又  
淳化三年三月庚申幸金明觀水嬉命為競  
度之戲

祥符二年四月丁亥賜金明池善酒軍士綰  
錢

太祖朝製造兵棹防水路時神衛立水軍及  
江淮平定不復振奉真宗於江浙淮南選取  
習水兵士立成指揮

太平興國渡河大舡 神舟

太平興國四年征北漢

至禹二年八月江淮發運使楊允恭捕取私  
鹽賊送闕下上貸之曰此等越逸江湖習性  
已久固木能工作可團為一軍以備舟楫之  
用號平河軍

咸平戰舡式

咸平三年八月戊申造舡務匠項綰等獻轉  
海船式

祥符神衛水軍

太中祥符六年詔在京諸軍選江淮習水卒  
於金明池按試戰按立為水虎翼軍置營池  
側其江浙淮南諸州亦令准此選卒置營初  
太祖立神衛水軍及江淮平定不復振奉上

以兵備不可廢故復置焉七年五月詔諸州簡兵有善水者以補神衛水軍

天聖金明池觀水嬉

六年

嘉祐二年三月二十三日命契丹使觀金明池水嬉

熙寧三年四月三日元豐二年四月辛丑幸觀水嬉

建炎棲紆凌波軍

建炎元年六月二十一日置水軍以習水戰號接給軍從李綱之請也

會要建炎元年六月宰臣李綱言守備之策當於沿河沿淮沿江置帥府要郡以控扼將

佐軍兵云云潁河江淮去處帥府別置水兵

二軍要郡別置水兵二軍次要郡別置水兵

半軍以習水戰並招募習水善波操舟便利

之人今擬到軍號接舡軍凌波軍詔並從之

### 建炎江淮習水戰

建炎三年正月呂頤浩言水戰之具在今宜

講然防淮難防江易近雖於鎮江之岸擺泊

海舡而上流諸郡自荆南抵儀真可渡處甚

多望置使兩員一專提奉造舡且詢水戰利

害

### 建炎海船

建炎四年元朮回至鎮江夏四月元朮自明

州回韓世宗先屯焦山以邀其歸路元朮遣

人約戰世忠伏兵擊之俘獲甚衆及其舟千餘艘虜不得濟求假道相持於黃天萬世忠募通舡百餘艘泊金山下預命工鍊為長纜大鈎虜擁千舟而前世忠外海舡出其背絕一纜則曳一舟虜不得渡募人獻破海舟之策及以輕舡絕江而遁

### 紹興飛虎戰艦

紹興二年七月丁丑無為軍舟臣王彥恢言大江以南欲控扼非戰艦不可制飛虎戰艦傍設四輪每輪八槳四人旋斡日行千里又有神武戰車北之蒙衝偏箱鹿角此尤至要詔就本軍措置

### 紹興戈舡

紹興十一年十月十九日知秀州方滋以戈  
舡先辦除直秘閣

三十一年虞允文趨采石列軍為陣分戈舡  
為五虜與官軍步戰戈舡並進虜舟皆沉沒  
水為之舟

一本云虜至楊林瞰江特軍以為師可渡也  
李顯忠措置依山列馬步軍五分戈舡以其  
二泊於東西岸其一泊中流其二於庠州港  
中頃之虜漸登陸遣王琪等擊之及速遣戈  
舡并近以神臂尅敵弓射之賊退遁港中所  
匿戈船出斷其後奪賊舡二千餘艘維以輕  
舡焚其戰舡

紹興海鯨舡

紹興三十一年十一月金虜亮欲由采石而  
渡命虞允文趣李顯忠代王權所晉水軍車  
船咸在而諸將未有統屬允文使人督之虜  
舟漸近我軍用海鰐舡迎擊虜舟多沉溺縱  
火自焚其舟走瓜洲

擊年錄紹興三十一年十一月金亮在瓜洲  
鎮揚忠虞允文恐車舡臨時不堪用乃臨江  
拽試命戰士踏車舡徑趨瓜洲將迫岸復回  
中流上下三周金山回轉如飛

是年十月李宝與金人舟師遇於密州膠西  
縣虜帆皆以油纈為之宝以火箭射之烟焰  
燒延大不及者猶款前拜宝命健士躍登其  
舟以短兵殪之舟中其餘皆中原舊民脫甲



而降者三千餘人

隆興御前水軍

隆興元年九月詔詩州召募水軍於手上刺

州水軍字以革冒代之弊五年秋又增五

百人

建炎以來朝野雜記平江許浦水軍本明州  
定海水軍也舊隸沿海制置司乾道中改隸  
殿前司以三千人為額五年冬又改為御前  
水軍八年春併歸許浦淳熙四年冬以七千  
為額江陰水軍八年春併歸許浦淳熙四年  
冬以七千為額江陰水軍旧自泉州調發乾  
道三年以其勞費奏晉屯二千人於江陰軍  
而沿海制置司又別屯千人淳熙末增置四

千此外左翼軍亦有水軍三千推鋒軍二千  
福州延祥寨千人鎮江建康池江鄂州御前  
諸帥亦各有水軍其後殿司又有激浦水軍  
而淮陰請安唐灣采石諸水軍則皆冠以御  
前水軍號

淳熙多槩飛江舡

淳熙三年十一月進呈建康都統郭剛奏本  
司車舡損已補填依海舡樣造多槩飛江舡  
上曰車舡古之鱗御幸已用兵取勝豈宜改  
造多其槩舡止許逐軍自行創造不得充新  
營軍舡數